

Exposicion di “Organic situations” na Biblioteca Nacional

ORANJESTAD- Nelson Gonzalez, artista contemporaneo, ta presenta un otro exposicion di su obranan na Biblioteca Nacional Aruba. Esaki ta titula ‘Organic situations’ y ta habri diabierna dia 1 di augustus na biblioteca. ‘Organic situations’ ta un serie di obra, dibuho y pintura di acryl riba canvases y papel.

Sr. Gonzalez pa algun aña caba ta explora diferente temanan como artista contemporaneo manera barera, imigracion, identidad, propiedad, integracion, diferente cultura y mas. Su experiencia como inmigrante a forma su pensamiento den relacion cu e temanan aki y su desaroyo como

artista. Cu mucho gusto e artista ta duna un recorrido na esnan interesa, pa esaki por traha un cita via Cell. 565 2041. Por combersa cu sr. Gonzalez tocante su proyecto di arte aki, su inspiracionan como artista y su bida como artista na Aruba pa asina conoce y comprende y aprecia su proyecto y e exposicion aki en particular. Tambe por bishita www.nelsongonzalezweb.tu-ars.com. Sr. Gonzalez ta activo como artista visual desde aña 2000 na Aruba y na 2008 a funda Art Rap Foundation hunto cu 5 otro artista.

Sr. Gonzalez ta tene exposicion regular na Aruba, Corsou y Hulanda di su cuadranten, potret, arte digital, video art y otro obheto no tipico. □

